

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Sl. novine Zeničko-dobojskog kantona“, broj: 7/10) na prijedlog Ministarstva zdravstva, Vlada Zeničko-dobojskog kantona, na 90. sjednici održanoj dana 09.03.2017. godine, d o n o s i

ZAKLJUČAK

I

Utvrđuje se Prijedlog Zakona o uvjetima koje treba ispunjavati kantonalna bolnica.

II

Prijedlog Zakona iz tačke I ovog Zaključka upućuje se u skupštinsku proceduru, po skraćenom postupku.

III

Zaključak stupa na snagu danom donošenja.

Broj: 02-_____ /17.
Datum, 09.03.2017. godine
Zenica

PREMIJER

Miralem Galijašević

DOSTAVLJENO:
1x Stručna služba Skupštine,
1x Ministarstvo zdravstva,
1x a/a.

PRIJEDLOG

Z A K O N

O UVJETIMA KOJE TREBA ISPUNJAVATI KANTONALNA BOLNICA

Zenica, januar 2017. godine

Na osnovu člana 37. stav (1) tačka f) Ustava Zeničko-dobojskog kantona i člana 100. stav 1. Zakona o zdravstvenoj zaštiti („Službene novine Federacije BiH“, broj: 46/10 i 75/13), Skupština Zeničko-dobojskog kantona na _____ sjednici održanoj _____, donosi:

Z A K O N

O UVJETIMA KOJE TREBA ISPUNJAVATI KANTONALNA BOLNICA

DIO PRVI – OPĆE ODREDBE

Član 1. (Predmet)

- (1) Ovim zakonom utvrđuju se uvjeti prostora, kadra i opreme, posteljni, dijagnostički i drugi uvjeti koje treba ispunjavati kantonalna bolnica.
- (2) Na ispunjavanje uvjeta iz stava 1. ovog člana primjenjuju se odredbe Zakona o zdravstvenoj zaštiti („Službene novine Federacije BiH“, broj: 46/10 i 75/13), Pravilnika o bližim uvjetima prostora, opreme i kadra za osnivanje i obavljanje zdravstvene djelatnosti u zdravstvenim ustanovama („Službene novine Federacije BiH“, broj: 26/12, 23/13, 90/13, 15/14, 82/14 i 83/15), (u daljem tekstu: Pravilnik), Pravilnika o uvjetima prostora, opreme i kadra, kao i primijenjenih tehnologija koje moraju ispunjavati zdravstvene ustanove koje obavljaju najsloženije oblike specijalističko-konsultativne i bolničke zdravstvene djelatnosti na tercijarnom nivou zdravstvene zaštite („Službene novine Federacije BiH“, broj: 93/13), kao i drugih podzakonskih akata donesenih na osnovu zakona u oblasti zdravstva.

Član 2. (Gramatička terminologija)

Gramatička terminologija korištenja muškog i ženskog roda za pojmove u ovom zakonu uključuje oba roda.

DIO DRUGI - ORGANIZACIJA

Član 3. (Specijalistički odjeli)

- (1) Kantonalna bolnica se organizira na nivou specijalističkih odjela, kao osnovnih organizacionih jedinica.
- (2) Kantonalna bolnica mora imati sljedeće odjele:
 - a) odjel interne medicine sa hemodijalizom,
 - b) odjel onkologije i radioterapije,
 - c) odjel hematologije,
 - d) odjel pedijatrije,
 - e) odjel za infektivne bolesti,
 - f) odjel neurologije,
 - g) odjel psihijatrije,
 - h) odjel dermatovenerologije,
 - i) odjel za hirurške bolesti,
 - j) odjel za bolesti dojke,
 - k) odjel vaskularne hirurgije,

- l) odjel ortopedije i traumatologije,
- m) odjel urologije,
- n) odjel neurohirurgije,
- o) odjel plastične i rekonstruktivne hirurgije,
- p) odjel ginekologije i porodiljstva,
- r) odjel otorinolaringologije i maksilofacijalne hirurgije,
- s) odjel oftalmologije,
- t) odjel fizikalne medicine i rehabilitacije,
- u) odjel anesteziologije, reanimatologije i intenzivnog liječenja,
- v) transfuzijski centar,
- z) odjel medicinsko-biohemijske i imunološke dijagnostike,
- aa) odjel radiološke dijagnostike
- ab) odjel mikrobiološke dijagnostike,
- ac) odjel patologije,
- ad) odjel urgentne medicine,
- ae) odjel za humanu reprodukciju, menopauzu i estetsku ginekološku endokrinologiju,
- af) odjel za higijensko epidemiološki nadzor,
- ag) poliklinika,
- ah) bolnička apoteka.

- (3) Kantonalna bolnica mora imati organiziranu Službu za medicinsku fiziku i zaštitu od jonizirajućeg zračenja.

DIO TREĆI – PROSTOR

Član 4. (Uvjeti za objekte)

Objekti u kojima se obavlja djelatnost kantonalne bolnice moraju zadovoljavati sanitarno-tehničke i higijenske uvjete propisane članovima 2-17. Pravilnika.

Član 5. (Prostor)

Kantonalna bolnica mora imati najmanje prostore utvrđene članom 135. i 136. Pravilnika te dodatno:

- a) prostor za prehranu i dnevni boravak pacijenata,
- b) prostor za posjet pacijenta,
- c) prostor za depoziciju leša (mrtvačnicu).

Član 6. (Bolnički odjel)

- (1) Bolnički odjel kantonalne bolnice mora raspolagati sa prostorijama utvrđenim članom 141. i 144. Pravilnika te dodatno prostorijama utvrđenim ovim zakonom.
- (2) Bolnički odjel kantonalne bolnice hirurških disciplina, mora raspolagati sa prostorijama utvrđenim članom 147. stav (1) tačka 1. Pravilnika, te dodatno prostorijama utvrđenim ovim zakonom.

Član 7.
(Broj postelja)

Ukupan broj postelja za kantonalnu bolnicu, kao i broj postelja po bolničkim odjelima, se utvrđuje na osnovu Naredbe o standardima i normativima zdravstvene zaštite iz obaveznog zdravstvenog osiguranja u Federaciji Bosne i Hercegovine („Službene novine Federacije BiH“, broj: 82/14 i 107/14) i godišnjeg ugovora o međusobnim odnosima u pružanju zdravstvene zaštite sa Zavodom zdravstvenog osiguranja Zeničko-dobojskog kantona.

Član 8.
(Bolesnička soba)

- (1) Bolesnička soba može imati najviše osam bolesničkih postelja.
- (2) Bolesnička soba namijenjena za izolaciju bolesnika koji su oboljeli ili se sumnja da boluju od zaraznih bolesti može imati najviše dvije bolesničke postelje.

Član 9.
(Površina bolesničke postelje)

Za svaku bolesničku postelju u bolesničkoj sobi osigurava se minimalna površina utvrđena članom 142. Pravilnika.

Član 10.
(Odjeli za laboratorijsku dijagnostiku)

- (1) Na svim odjelima gdje se vrši laboratorijska dijagnostika postoji označen prostor za skladištenje uzoraka, reagenasa i dokumentacije, uključujući i odvojen prostor za pohranjivanje visokorizičnih uzoraka.
- (2) Unutar laboratorija postoje uvjeti za sigurno odlaganje kultura, potencijalno infektivnog kliničkog materijala, organskih otapala i radioaktivnih materija.
- (3) Laboratorij ima sredinu koji olakšava efikasno oticanje i kontrolu otpadnih voda.
- (4) Ambijent laboratorija olakšava rad osoblja u pogledu sistema ventilacije, grijanja i osvjetljenja.

Član 11.
(Oznaka namjene prostorija)

Namjena svih prostorija mora biti označena na vidnim mjestima.

Član 12.
(Prilaz odjelima)

Prilaz odjelima je prilagođen i osobama sa invaliditetom, a za odjele koji se nalaze na višim spratovima, postoje liftovi za pacijente.

Član 13.
(Prostorije za pacijente)

Prostorije za pacijente moraju osiguravati vizuelnu i zvučnu privatnost pacijenta.

Član 14.
(Odvojene sobe za žene i muškarce)

Odjeli koji raspolažu sa većim brojem soba, imaju posebne sobe za žene, a posebne za muškarce.

Član 15.
(Odvojeni toaleti)

Hospitalizirani pacijenti oba spola imaju pristupe odvojenim toaletima.

Član 16.
(Uredski prostor za šefove odjela)

Šefovi odjela imaju svoj uredski prostor, a ostalo više osoblje u skladu sa prostornim mogućnostima.

Član 17.
(Uslov za hodnike i vrata)

Hodnici i vrata ne smiju imati prepreke koje sprečavaju kretanje, a vrata za izlaz u slučaju požara se drže zatvorena, ali ne zaključana.

DIO ČETVRTI – POSEBAN PROSTOR BOLNIČKIH ODJELA

Član 18.
(Površina i specifični prostor Odjela interne medicine sa hemodijalizom)

Odjel interne medicine sa hemodijalizom mora raspolagati prostorom površine minimalno 3.500 m², sa prostorijama propisanim članom 6. stav (1) ovog zakona i sljedećim specifičnim prostorom:

- a) prostorom za koronarnu jединicu,
- b) prostorom za ergometriju,
- c) prostorom za spirometriju,
- d) prostorom za UZV dijagnostiku,
- e) kabinetom za rektoskopiju,
- f) prostorom za dnevnu bolnicu,
- g) prostorom za nuklearnu medicinu sa priručnim laboratorijem i prostorom za UZV aparat,
- h) prostorom za RTG aparat,
- i) kabinetima,
- j) prostorom za priručnu mrtvačnicu.

Član 19.
(Površina i specifični prostor Odjela onkologije i radioterapije)

Odjel onkologije i radioterapije mora raspolagati prostorom površine minimalno 1000 m², sa prostorijama propisanim članom 6. stav (1) ovog zakona i sljedećim specifičnim prostorom:

- a) prostorom za pripremu citostatika,
- b) prostorom za dnevnu bolnicu,
- c) bunkerom za linearni akcelerator,

- d) prostorom za CT simulator,
- e) prostorom za tehniku,
- f) prostorom za komande,
- g) čekaonicom za pacijente koji čekaju na hemoterapiju koja mora biti odvojena od pristupnih hodnika i sobe za terapiju.

Član 20.
(Površina i specifični prostor Odjela hematologije)

Odjel hematologije mora raspolagati prostorom površine minimalno 300 m², sa prostorijama propisanim članom 6. stav (1) ovog zakona i sljedećim specifičnim prostorom:

- a) dvijema sterilnim bolesničkim sobama sa kupatilima,
- b) prostorom za dnevnu bolnicu i
- c) prostorom za mikroskopiranje.

Član 21.
(Površina i specifični prostor Odjela pedijatrije)

(1) Odjel pedijatrije mora raspolagati prostorom površine minimalno 1.200 m² sa prostorijama propisanim članom 6. stav (1) ovog zakona, članom 147. stav (1) tačka 4. Pravilnika i sljedećim specifičnim prostorom:

- a) prostorijom za UZV dijagnostiku,
- b) kabinetom za EEG i
- c) kabinetom za kardiologiju.

(2) U svim prostorijama za njegu djece moraju biti obezbijeđene mjere predostrožnosti kao što su zaštićene strujne utičnice, visoko postavljene šteke na vratima, a na prozorima kojima imaju pristup mala djeca mora se postaviti zaštita od otvaranja ili sigurnosne rešetke.

Član 22.
(Površina i specifični prostor Odjela za infektivne bolesti)

Odjel za infektivne bolesti mora raspolagati prostorom površine minimalno 1.500 m², sa prostorijama propisanim članom 6. stav (1) ovog zakona, članom 148. stav (1) tačka 5. Pravilnika i sljedećim specifičnim prostorom:

- a) vešerajem,
- b) prostorom za UZV dijagnostiku i
- c) kabinetima.

Član 23.
(Površina i specifični prostor Odjela neurologije)

Odjel neurologije mora raspolagati prostorom površine minimalno 800 m², sa prostorijama propisanim članom 6. stav (1) ovog zakona, članom 148. stav (1) tačka 7. Pravilnika i sljedećim specifičnim prostorom:

- a) prostorom za EMNG aparat,
- b) prostorom za UZV dijagnostiku i
- c) prostorom za priručnu mrtvačnicu.

Član 24.
(Površina i specifični prostor Odjela psihijatrije)

Odjel psihijatrije mora raspolagati prostorom površine minimalno 750 m², sa prostorijama propisanim članom 6. stav (1) ovog zakona članom 148. stav (1) tačka 8. Pravilnika i sljedećim specifičnim prostorom:

- a) prostorom za rad psihologa,
- b) prostorom za rad socijalnog radnika.

Član 25.
(Površina i specifični prostor Odjela dermatovenerologije)

Odjel dermatovenerologije mora raspolagati prostorom površine minimalno 200 m², sa prostorijama propisanim članom 6. stav (1) ovog zakona i članom 148. stav (1) tačka 6. Pravilnika.

Član 26.
(Površina i specifični prostor Odjela za hirurške bolesti)

Odjel za hirurške bolesti mora raspolagati prostorom površine minimalno 1.500 m² sa prostorijama propisanim članom 6. ovog zakona i specifičnim prostorom za igraonu i dnevni boravak djece.

Član 27.
(Površina i specifični prostor Odjela za bolesti dojke)

Odjel za bolesti dojke mora raspolagati prostorom površine minimalno 100 m², sa prostorijama propisanim članom 6. ovog zakona i specifičnim prostorom kabinetom za UZV dojke.

Član 28.
(Površina i specifični prostor Odjela vaskularne hirurgije)

Odjel vaskularne hirurgije mora raspolagati prostorom površine minimalno 100 m² sa prostorijama propisanim članom 6. ovog zakona.

Član 29.
(Površina i specifični prostor Odjela ortopedije i traumatologije)

(1) Odjel ortopedije i traumatologije mora raspolagati prostorom površine minimalno 1.000 m² sa prostorijama propisanim članom 6. ovog zakona, članom 148. stav (1) tačka 1. Pravilnika, izuzev prostora za uzimanje mjera i probe ortopedске tehnike koji je smješten na Odjelu fizikalne medicine i rehabilitacije.

(2) Odjel iz stava (1) ovog člana mora raspolagati specifičnim prostorom kabinetom za UZV dijagnostiku.

Član 30.
(Površina i specifični prostor Odjela urologije)

Odjel urologije mora raspolagati prostorom površine minimalno 500 m², sa prostorijama propisanim članom 6. ovog zakona, članom 148. stav (1) tačka 2. Pravilnika i sljedećim specifičnim prostorom:

- a) kabinetom za litotriptor i
- b) kabinetom za cistoskopiju.

Član 31.
(Površina i specifični prostor Odjela neurohirurgije)

Odjel neurohirurgije mora raspolagati prostorom površine minimalno 200 m², sa prostorijama propisanim članom 6. ovog zakona.

Član 32.
(Površina i specifični prostor Odjela plastične i rekonstruktivne hirurgije)

Odjel plastične i rekonstruktivne hirurgije mora raspolagati prostorom površine minimalno 250 m², sa prostorijama propisanim članom 6. ovog zakona.

Član 33.
(Površina i specifični prostor Odjela ginekologije i porodiljstva)

Odjel ginekologije i porodiljstva mora raspolagati prostorom površine minimalno 2.000 m², sa prostorijama propisanim članom 6. stav (1) ovog zakona, članom 147. stav (1) tačka 3. Pravilnika i specifičnim prostorom za UZV dijagnostiku.

Član 34.
(Površina i specifični prostor Odjela otorinolaringologije i maksilofacijalne hirurgije)

Odjel otorinolaringologije i maksilofacijalne hirurgije mora raspolagati prostorom površine minimalno 800 m², sa prostorijama propisanim članom 6. ovog zakona, članom 148. stav (1) tačka 4. Pravilnika i sljedećim specifičnim prostorom za audiometrijska, vestibulometrijska i timpanometrijska ispitivanja.

Član 35.
(Površina i specifični prostor Odjela oftalmologije)

Odjel oftalmologije mora raspolagati prostorom površine minimalno 800 m², sa prostorijama propisanim članom 6. ovog zakona, članom 148. stav (1) tačka 3. Pravilnika i sljedećim specifičnim prostorom:

- a) zamračenim prostorom za pregled očne pozadine,
- b) kabinetom za laser,
- c) kabinetom za glaukom,
- d) kabinetom za leće i
- e) kabinetom za djecu.

Član 36.
(Površina i specifični prostor Odjela fizikalne medicine i rehabilitacije)

Odjel fizikalne medicine i rehabilitacije mora raspolagati prostorom površine minimalno 1.700 m², sa prostorijama propisanim članom 6. stav (1) ovog zakona, članom 148. stav (1) tačka 9. Pravilnika i sljedećim specifičnim prostorom:

- a) prostorom za rehabilitaciju djece sa poteškoćama u razvoju i
- b) prostorom za uzimanje mjera, izradu i probe ortopedske tehnike.

Član 37.
**(Površina i specifični prostor Odjela anesteziologije,
reanimatologije i intenzivnog liječenja)**

Odjel anesteziologije, reanimatologije i intenzivnog liječenja mora raspolagati prostorom površine minimalno 250 m², sa prostorijama propisanim članom 147. stav (1) tačka 5. Pravilnika.

Član 38.
**(Površina i specifični prostor Odjela medicinsko-biohemijske
i imunološke dijagnostike)**

Odjel medicinsko-biohemijske i imunološke dijagnostike mora raspolagati prostorom površine minimalno 400 m², koji ispunjava uvjete iz člana 10. ovog zakona i sadrži:

- a) prostor za prijem pacijenata,
- b) prostor za prijem materijala,
- c) radni laboratorijski analitički prostor,
- d) prostor za izdavanje nalaza,
- e) prostor za odlaganje infektivnog materijala,
- f) prostor za pranje, sušenje i sterilizaciju posuđa,
- g) prostor za administrativne poslove,
- h) sanitarni čvor za pacijente i
- i) sanitarni čvor za osoblje.

Član 39.
(Površina i specifični prostor Odjela radiološke dijagnostike)

(1) Odjel radiološke dijagnostike mora raspolagati prostorom površine minimalno 1.000 m² i sadržavati:

- a) prostor za RTG,
- b) prostor za mamograf,
- c) prostor za CT,
- d) prostor za UZV aparate,
- e) prostor za magnetnu rezonancu,
- f) prostor za administrativne poslove,
- g) čekaonicu,
- h) sanitarni čvor za pacijente i
- i) sanitarni čvor za osoblje.

(2) Prostor mora ispunjavati uvjete utvrđene propisima iz oblasti radijacijske i nuklearne sigurnosti.

Član 40.
(Površina i specifični prostor Odjela mikrobiološke dijagnostike)

Odjel mikrobiološke dijagnostike mora raspolagati prostorom površine minimalno 400 m², koji ispunjava uvjete iz člana 10. ovog zakona i sadrži sljedeći prostor:

- a) čekaonicu,
- b) prostoriju za uzimanje uzoraka,
- c) prostor za prijem materijala,
- d) laboratorijski prostor za obradu uzoraka,
- e) prostor za dijagnostiku anaerobnih infekcija,
- f) prostor za dijagnostiku mikoza,

- g) prostor za ELISA dijagnostiku,
- h) prostor za imunofluorescenciju,
- i) prostor za dijagnostiku tuberkuloze,
- j) prostor za dekontaminaciju, sterilizaciju pranje posuđa,
- k) prostoriju za pripremu podloga i reagensa ili priručno skladište za gotove podloge i nezapaljive reagense,
- l) sanitarni čvor za pacijente i
- m) sanitarni čvor za osoblje.

Član 41.
(Površina i specifični prostor Odjela patologije)

Odjel patologije mora raspolagati prostorom površine minimalno 400 m², koji ispunjava uvjete iz člana 10. ovog zakona i sadrži sljedeći prostor:

- a) čekaonicu,
- b) prostor za prijem materijala,
- c) prostor za pripremu, uzorkovanje i obradu uzoraka,
- d) prostor za histohemijsko i imunohistohemijsko bojenje uzoraka,
- e) prostor za odlaganje citoloških preparata i pisanih nalaza,
- f) sobu za rad citoskrinera,
- g) priručno skladište za lako zapaljiv materijal,
- h) prostor za pripremu i obradu tkiva,
- i) prostor za rezanje i bojenje uzorka,
- j) prostoriju za odlaganje histoloških preparata, parafinskih blokova i pisanih nalaza,
- k) prostoriju za čuvanje hemikalija s prirodnom ventilacijom ili ormar sa aktivnom ventilacijom,
- l) sanitarni čvor za osoblje,
- m) sanitarni čvor za pacijente i
- n) sobu za liječnika.

Član 42.
(Površina i specifični prostor Odjela urgentne medicine)

Odjel urgentne medicine mora raspolagati prostorom minimalne površine 400 m², koji se sastoji od prostorija propisanih članom 147. stav (1) tačka 6. Pravilnika.

Član 43.
(Površina i specifični prostor Odjela za humanu reprodukciju, menopazu i estetsku ginekološku endokrinologiju)

Odjel za humanu reprodukciju, menopauzu i estetsku ginekološku endokrinologiju mora raspolagati prostorom minimalne površine 200 m² i sadržavati:

- a) prijem sa čekaonicom,
- b) ordinacija,
- c) kabinet za UZV dijagnostiku,
- d) biološka laboratorija i
- e) prostor za biologa.

Član 44.
(Površina i specifični prostor Poliklinika)

(1) Poliklinika mora imati površinu minimalno 880 m².

(2) U okviru poliklinike djeluju specijalističko-konsultativne ambulante koje moraju ispunjavati uvjete prostora propisane za dom zdravlja, a u skladu sa odredbama Pravilnika.

Člana 45.
(Prostorni uvjeti za obavljanje tercijarne zdravstvene zaštite)

Prostorni uvjeti za obavljanje tercijerne zdravstvene zaštite u kantonalnoj bolnici moraju biti iznad standarda predviđenih za zdravstvene ustanove za specijalističko-konsultativne i bolničke zdravstvene djelatnosti na sekundarnom nivou zdravstvene zaštite, te ispunjavati sanitarno-tehničke i higijenske uvjete prostora predviđene članom 2. do 17. Pravilnika, a sve u skladu sa odredbama Pravilnika o uvjetima prostora, opreme i kadra, kao i primijenjenih tehnologija koje moraju ispunjavati zdravstvene ustanove koje obavljaju najsloženije oblike specijalističko-konsultativne i bolničke zdravstvene djelatnosti na tercijarnom nivou zdravstvene zaštite.

DIO PETI - KADAR, OPREMA I POSEBNA OPREMA BOLNIČKIH ODJELA

Član 46.
(Standardi za medicinske i nemedicinske radnike)

Kantonalna bolnica mora obezbijediti medicinske i nemedicinske radnike u skladu sa propisanim standardima kadra utvrđenim Naredbom o standardima i normativima zdravstvene zaštite iz obaveznog zdravstvenog osiguranja u Federaciji Bosne i Hercegovine i godišnjeg ugovora o međusobnim odnosima u pružanju zdravstvene zaštite sa Zavodom zdravstvenog osiguranja Zeničko-dobojskog kantona (dalje u tekstu: Zavod).

Član 47.
(Uvjeti u pogledu opreme)

- (1) Kantonalna bolnica mora minimalno raspolagati sa medicinsko-tehničkom opremom propisanom Pravilnikom.
- (2) Sva oprema mora zadovoljavati opšte i posebne zahtjeve za medicinska sredstva u skladu sa važećim propisima iz ove oblasti, te u pravilu, mora biti prijavljena kao medicinsko sredstvo Agenciji za lijekove i medicinska sredstva saglasno Zakonu o lijekovima i medicinskim sredstvima („Službeni glasnik BiH“, broj 58/08), kao i propisa donesenih na osnovu tog zakona.
- (3) Uvjeti opreme za obavljanje tercijarne zdravstvene zaštite u kantonalnoj bolnici podrazumijevaju da:
 - a) medicinsko-tehnička oprema mora udovoljavati savremenim priznatim i prihvaćenim standardima u izučavanju, dijagnostici i/ili terapiji, liječenju, prevenciji i rehabilitaciji odgovarajuće bolesti odnosno grupa bolesti u djelatnosti tercijarne zdravstvene zaštite,
 - b) je osigurana i informatička podrška saglasno savremenim zahtjevima tercijarne zdravstvene zaštite kojom se omogućava pristup odgovarajućoj domaćoj i stranoj stručnoj literaturi, posebno indeksiranim časopisima u najvažnijim stranim publikacijama, kao i svjetskim i evropskim bazama podataka.
- (4) Oprema koja je nabavljena prije stupanja na snagu važećih propisa iz oblasti lijekova i medicinskih sredstava ne mora biti upisana u registar medicinskih sredstava kod Agencije za lijekove i medicinska sredstva.
- (5) Oprema koja proizvodi jonizirajuće zračenje mora imati potrebna odobrenja Državne regulatorne agencija za radijacijsku i nuklearnu sigurnost saglasno Zakonu o radijacijskoj i nuklearnoj sigurnosti u Bosni i Hercegovini („Službeni glasnik BiH“, broj: 88/07), kao i propisa donesenih na osnovu tog zakona.

Član 48.
(Ugovor o servisiranju medicinsko-tehničke opreme)

Kantonalna bolnica mora imati zaključene ugovore o servisiranju medicinsko-tehničke opreme, potvrdu o redovnom servisiranju i atest proizvođača.

#

Član 49.
(Označavanje opreme za popravak)

Oprema koja zahtijeva popravku se označava oznakom „nije za upotrebu“ i odstranjuje radi popravke.

Član 50.
(Korisnici specijalizirane opreme)

Specijaliziranu opremu koristi samo osoblje koje je obučeno i kompetentno za rad sa ovom opremom.

Član 51.
(Sredstva za transport)

Kantonalna bolnica mora imati osiguran sanitetski transport, kolica i nosila za prevoz nepokretnih i slabo pokretnih pacijenata.

Član 52.
(Telekomunikacijski uređaji i informacijski sistemi)

Kantonalna bolnica mora imati osigurane telekomunikacijske uređaje i informacijski sistem.

Član 53.
(Oprema za debakterizaciju)

U određenim prostorijama kantonalne bolnice (prostorije za nedonošćad, operacijske sale) moraju biti osigurani uređaji za debakterizaciju (germicidne lampe, sterilol lampe i sl.).

Član 54.
(Sredstva za transport na bolničkom odjelu)

Na bolničkom odjelu je potrebno osigurati kolica sjedeća za prevoz pacijenta i kolica ležeća za prevoz pacijenta, ormar za lijekove i sanitetski materijal, ormar za instrumente i frižider.

Član 55.
(Oprema za kardiopulmonalnu reanimaciju)

Na svakoj etaži svih bolničkih objekata mora biti dostupan komplet za kardiopulmonalnu reanimaciju: set za intubaciju, mijeh za umjetnu ventilaciju s pripadajućim maskama i tubusima, pokretni aspirator, defibrilator s ekranom i pisačem.

Član 56.
(Oprema odjela interne medicine sa hemodijalizom)

Odjel interne medicine sa hemodijalizom mora raspolagati sljedećom opremom:

- a) GAMA kamera,
- b) automatski analizator za pretrage hormona,
- c) frižider sa zamrzivačem,
- d) EKG aparati,
- e) UZV aparati isa opremom,
- f) ergometar,
- g) endoskopski stub sa dodacima (gastroskop, kolonoskop),
- h) spirometar,
- i) holter,
- j) spiroergometar,
- k) sterilizator,
- l) infusomat,
- m) ambu balon sa maskama,
- n) defibrilator,
- o) monitor za EKG, TA i puls sa oksimetrijom i kapnografijom,
- p) pribor za biopsiju i punkciju,
- r) videobronhoskop,
- s) aparat za respiratornu potporu, inhalacionu i oksigenoterapiju,
- t) aspirator vakuum električni,
- u) komplet za endotrahealnu intubaciju,
- v) pumpu infuzionu,
- z) oftalmoskop,
- aa) glukometar,
- ab) test trake za brzo određivanje promjena u urinu,
- ac) visinomjer,
- ad) platneni metar.

Član 57.
(Oprema odjela onkologije i radioterapije)

Odjel onkologije i radioterapije mora raspolagati sljedećom opremom:

- a) linearni akcelerator,
- b) CT aparat,
- c) laminarna komora,
- d) aspirator,
- e) defibrilator,
- f) EKG,
- g) infusomat,
- h) monitori,
- i) perfuzor,
- j) sterilizator i
- k) prostorije za hemoterapijski dnevni tretman opremljene su sa prilagodljivim stolicama.

Član 58.
(Oprema odjela hematologije)

Odjel hematologije mora raspolagati sljedećom opremom:

- a) ambu maska,
- b) defibrilator,

- c) EKG,
- d) infusomat,
- e) mikroskop,
- f) monitor i
- g) sterilizator.

Član 59.
(Oprema odjela pedijatrije)

Odjel pedijatrije mora raspolagati sljedećom opremom:

- a) EKG,
- b) EEG,
- c) UZV aparat,
- d) monitor za EKG, TA i puls sa oksimetrijom i kapnografijom,
- e) pumpa infuziona,
- f) aspirator vakum električni,
- g) gasni analizator,
- h) pulsni oksimetar,
- i) lampa za fototerapiju,
- j) inkubator za standardnu njegu,
- k) defibrilator za djecu,
- l) izvor kisika sa opremom,
- m) komplet za endotrahealnu intubaciju,
- n) aparat za mjerenje krvnog pritiska,
- o) aparat za mjerenje šećera,
- p) inhalator,
- r) stalak za infuziju,
- s) krevet bolesnički veliki,
- t) krevet bolesnički mali,
- u) pokretne kade za kupanje (jedna kada na šest kreveta ako nisu već u sobi izgrađene),
- v) sistem za sterilizaciju,
- z) pribor za male hirurške intervencije,
- aa) sterilizator,
- ab) frižider,
- ac) krevet za novorođenčad,
- ad) inkubator za transport,
- ae) kolica za lijekove.

Član 60.
(Oprema odjela za infektivnu medicinu)

Odjel za infektivnu medicinu mora raspolagati sljedećom opremom:

- a) oprema za laboratorijske priručne analize i uzimanje materijala,
- b) UZV aparat,
- c) aspirator,
- d) EKG,
- e) aparat za kisik,
- f) mikroskop,
- g) pulsoksimetar,
- h) inhalator,
- i) infusomat,
- j) hlorinator,
- k) rektoskop,
- l) sterilizator,
- m) vodeno kupatilo.

Član 61.
(Oprema odjela neurologije)

Odjel neurologije mora raspolagati sljedećom opremom:

- a) UZV aparat,
- b) EEG aparat,
- c) EMG aparat,
- d) EKG,
- e) aparat za kisik,
- f) aspirator,
- g) perfuzor i
- h) monitor.

Član 62.
(Oprema odjela psihijatrije)

Odjel psihijatrije mora raspolagati sljedećom opremom:

- a) EKG,
- b) aspirator i
- c) oprema za fiksaciju pacijenata.

Član 63.
(Oprema odjela dermatovenerologije)

Odjel dermatovenerologije mora raspolagati sljedećom opremom:

- a) dermoskop,
- b) lektrokauter,
- c) kontejner za tečni azot,
- d) mikroskop,
- e) kvarc lampa,
- f) aparat smartdoop,
- g) aparat za kisik i
- h) sterilizator.

Član 64.
(Oprema odjela za hirurške bolesti)

Odjel za hirurške bolesti mora raspolagati sljedećom opremom:

- a) sto operacioni,
- b) lampa operaciona sa satelitom,
- c) nož elektrohirurški,
- d) ultrasonični nož,
- e) aspirator operacionog polja,
- f) rentgen aparat sa TV lancem portabilni,
- g) negatoskop,
- h) lampa operaciona na stalku,
- i) sto za instrumente,
- j) kolica za instrumente,
- k) stub za laparoskopiju,
- l) stub za rektoskopiju,
- m) elektrohirurška platforma,
- n) EKG,
- o) UZV aparat,

- p) rektoskop,
- q) vakuum pumpa,
- r) infusomat,
- s) perfusor,
- t) sterilizator
- u) anesteziološka oprema.

Član 65.
(Oprema odjela za bolesti dojke)

Odjel za bolesti dojke mora raspolagati opremom utvrđenom u členu 64. ovog zakona te dodatno GAMA sondom.

Član 66.
(Oprema odjela vaskularne hirurgije)

Odjel vaskularne hirurgije mora raspolagati opremom utvrđenom u členu 64. ovog zakona te dodatno aparatom za ABI indexe.

Član 67.
(Oprema odjela ortopedije i traumatologije)

Odjel ortopedije i traumatologije mora raspolagati opremom utvrđenom u členu 64. ovog zakona, te dodatno sljedećom opremom:

- a) sto operacioni ortopedski ekstenzioni,
- b) aparat za sječenje metala,
- c) bušilica motorna,
- d) aparat za oštrenje instrumenata,
- e) testera motorna i
- f) set za operativne zahvate na kostima.

Član 68.
(Oprema odjela urologije)

Odjel urologije mora raspolagati opremom utvrđenom u členu 64. ovog zakona, te dodatno sa sljedećom opremom:

- a) litotriptor i
- b) cistoskop.

Član 69.
(Oprema odjela neurohirurgije)

Odjel neurohirurgije mora raspolagati osnovnom opremom utvrđenom u členu 64. ovog zakona, te dodatno sljedećom opremom:

- a) neurohirurški mikroskop i
- b) mikrolajni monitor sa opremom.

Član 70.
(Oprema odjela plastične i rekonstruktivne hirurgije)

Odjel plastične i rekonstruktivne hirurgije mora raspolagati opremom utvrđenom u členu 62. ovog zakona, te dodatno sljedećom opremom:

- a) elektrodermatom,

- b) freza i
- c) mikroskop.

Član 71.
(Oprema odjela ginekologije i porodiljstva)

Odjel ginekologije i porodiljstva mora raspolagati opremom utvrđenom u členu 64. ovog zakona izuzev pokretnog RTG aparata, a rađaona mora imati sljedeću opremu:

- a) instrumentarij za ginekološki pregled i pregled trudnica,
- b) UZV aparat,
- c) stub za laparoskopiju i histeroskopiju,
- d) mikroskop,
- e) rektoskop,
- f) amnioskop,
- g) kolposkop,
- h) cistoskop,
- i) instrumente za male ginekološke zahvate i elektrokauter,
- j) pribor za normalni porođaj,
- k) instrumentarij za operativno dovršenje abnormalnih i patoloških porođaja,
- l) vakum aspirator,
- m) opremu za reanimaciju i opskrbu novorođenčadi,
- n) opremu za opskrbu nedonoščadi,
- o) instrumentarij za laparatomije i za veće vaginalne operacije,
- p) aparat za endotrahealnu anesteziju,
- r) kisik u rađaonici, operacionoj sali i prostorijama za reanimaciju i postoperativnu njegu,
- s) kardiograf i detektor otkucaja srca čeda i
- t) inkubator na porodiljstvu.

Član 72.
(Oprema odjela otorinolaringologije i maksilofacijalne hirurgije)

Odjel otorinolaringologije i maksilofacijalne hirurgije mora raspolagati osnovnom opremom utvrđenom u členu 64. ovog zakona, te dodatno sljedećom opremom:

- a) sto radni specijalni za ORL,
- b) operacioni mikroskop,
- c) audiometar,
- d) timpanometar,
- e) instrumentarij za tonzilektomiju,
- f) mikrolaringološki instrumentarij.

Član 73.
(Oprema odjela oftalmologije)

Odjel oftalmologije mora raspolagati opremom utvrđenom u členu 64. ovog zakona, te dodatno sljedećom opremom:

- a) operacioni mikroskop,
- b) UZV aparat,
- c) kompjuterizirani perimetar,
- d) OCT,
- e) fundus kamera,
- f) fako aparat,
- g) laser,
- h) keratometar,

- i) IOL kalkulator i
- j) špalt lampa.

Član 74.
(Oprema odjela fizikalne medicine i rehabilitacije)

Odjel fizikalne medicine i rehabilitacije mora raspolagati sljedećom opremom:

- a) oprema za kineziterapiju, elektroterapiju, radnu terapiju, manuelnu masažu,
- b) aparat za terapiju ultrazvukom,
- c) aparat za magnetoterapiju,
- d) laseroaparat,
- e) parafinska kada,
- f) pribor za punkciju i lokalne blokade,
- g) negatoskop,
- h) pribor za fizijatrijsku dijagnostiku i
- i) vaga za mjerenje tjelesne mase sa visinomjerom.

Član 75.
(Oprema odjela anesteziologije, reanimatologije i intenzivnog liječenja)

Odjel anesteziologije, reanimatologije i intenzivnog liječenja mora raspolagati sljedećom opremom:

- a) aparat za anesteziju sa mogućnošću automatske i ručne ventilacije pluća, aspiracije i kapnografijom,
- b) dva isparivača hlapljivih anestetika,
- c) stolić za reanimaciju sa defibrilatorom,
- d) rezervni cilindri za plinove,
- e) oprema za endotrahealnu intubaciju,
- f) laringoskop fleksibilni,
- g) perfuzori,
- h) pribor za središnju vensku kateterizaciju,
- i) monitor za EKG,TA i puls sa oksimetrijom i kapnografijom,
- j) sistem za grijanje pacijenta i infuzija,
- k) respiratori,
- l) aparat za sukciju i drenažu i
- m) pumpe za torakalnu sukciju.

Član 76.
(Oprema odjela medicinsko-biohemijske i imunološke dijagnostike)

Odjel medicinsko-biohemijske i imunološke dijagnostike mora raspolagati sljedećom opremom:

- a) laboratorijski namještaj,
- b) sterilizator,
- c) autoklav,
- d) hladnjak,
- e) termostat,
- f) deionizator (demineralizator),
- g) analitička vaga,
- h) mikroskop,
- i) centrifuga,
- j) hematološki brojač (8 do 18 parametara),
- k) spektrofotometar (340-700 nm),
- l) bihemijski analizator-selektivni (minimalno 100 analiza/sat),

- m) koagulometar (jednokanalni),
- n) analizator elektrolita,
- o) analizator za pregled urina,
- p) oprema za pranje, cijeđenje i sušenje posuđa i pribora i
- r) sterilizator.

Član 77.
(Oprema odjela radiološke dijagnostike)

Odjel radiološke dijagnostike mora raspolagati sljedećom opremom:

- a) UZV aparat,
- b) RTG aparat,
- c) mamograf,
- d) CT aparat,
- e) aparat za MRI,
- f) oprema za tamnu komoru.

Član 78.
(Oprema odjela mikrobiološke dijagnostike)

Odjel mikrobiološke dijagnostike mora raspolagati sljedećom opremom:

- a) sitni pribor za osnovne mikrobiološke pretrage (pribor i podloge),
- b) frižider (+40 C),
- c) ledenica (-200 C),
- d) termostat (+37)-(+440),
- e) sterilizator za suhu sterilizaciju,
- f) autoklav za zarazni materijal i podloge,
- g) binokularni mikroskop s imerzijom, suhim sustavom i rasvjetom,
- h) stolna laboratorijska centrifuga,
- i) analitička i obična vaga,
- j) lonci za anaerobni uzgoj bakterija ili anaerobni termostat,
- k) UV lampa,
- l) oprema za serologiju,
- m) vodeno kupatilo,
- n) ph metar,
- o) denzitometar,
- p) komora biosigurnosne razine II i
- r) laboratorijski stolci i namještaj.

Član 79.
(Oprema odjela patologije)

Odjel patologije mora raspolagati sljedećom opremom.

- a) Patohistološki laboratorij: uređaj za aktivnu ventilaciju, pribor i boje, binokularni mikroskop, predmetna i pokrovna stakla, mediji za uklapanje, laboratorijski sat, frižider sa zamrzivačem, metalni ormar za lako zapaljive tekućine, ormar za arhiviranje nalaza, ormar za arhiviranje preparata, police za arhiviranje parafinskih blokova, mikrotom, histokinet, digestor, vodeno kupatilo, termostat, posude za bojenje, boje i kemikalije za procesiranje tkiva.
- b) Citološki laboratorij: uređaj za aktivnu ventilaciju, pribor i reagensi za bojenje, centrifuga, digestor, binokularni mikroskop, predmetna i pokrovna stakla, laboratorijsko posuđe, laboratorijski sat, metalni ormar za lako zapaljive tekućine, ormar za arhiviranje nalaza i kartoteku.

Član 80.
(Oprema odjela urgentne medicine)

Odjel urgentne medicine mora raspolagati sljedećom opremom:

- a) Prostorija za trijažu: sto za pregled sa stepenicama, fokusiranu svjetiljku za pregled i kolica za višestruku namjenu.
- b) Prostorija za reanimaciju: ležaj za reanimaciju, pokretna kolica s opremom za reanimaciju lijekovima i potrošnim medicinskim materijalom, set za reanimaciju odraslih i djece, defibrilator s monitoringom srčanog ritma i pisačem, monitor za praćenje vitalnih funkcija, pulsni oksimetar za transkutano praćenje, anesteziološki aparat, prijenosni uređaj za aspiraciju, set za periferni i centralni venski pristup, set za torakodrenažu, set za konikotomiju, set za prepariranje vene, pokretni stalak za infuziju, negatoskop, pokretni stolić, zidni sat, zidni ormarić, kolica za prijevoz medicinske opreme i setova.
- c) Prostor za zbrinjavanje akutnog pacijenta: pokretni ležaj za pacijenta, monitor za praćenje vitalnih funkcija (neinvazivni), EKG aparat, defibrilator s monitoringom srčanog ritma i pisačem, pokretna kolica s lijekovima i potrošnim medicinskim materijalom, komplet za terapiju kisikom, perfuzor, pokretni stalak za infuziju, fokusirana svjetiljka za pregled i kolica za višestruku namjenu.
- d) Prostorija za intervencije i male operacijske zahvate: sto za obavljanje operacijskih zahvata, hirurški setovi za male operacijske zahvate, kolica s lijekovima i potrošnim medicinskim materijalom, set za reanimaciju odraslih i djece, stropna lampa za operacijsku salu, pokretna lampa, stolić za hirurški instrumentarij, ormar za pohranu hirurških setova za male operacijske zahvate, ormar za lijekove, negatoskop i zidni sat.

Član 81.
**(Oprema odjela za humanu reprodukciju, menopauzu
i estetsku ginekološku endokrinologiju)**

Odjel za humanu reprodukciju, menopauzu i estetsku ginekološku endokrinologiju mora raspolagati sljedećom opremom:

- a) UZV aparat,
- b) mikroskop,
- c) aparat za IVF,
- d) mikromanipulator,
- e) sistem za zamrzavanje,
- f) ginekološki sto,
- g) ginekološka stolica,
- h) besprašna komora,
- i) kontejner za kriopohranu,
- j) aspiraciona pumpa,
- k) autoklav,
- l) inkubator,
- m) centrifuga i
- n) sterilizator.

Član 82.
(Oprema odjela za higijensko-epidemiološki nadzor)

Odjel za higijensko epidemiološki nadzor mora raspolagati sljedećom opremom:

- a) opremom za centralnu sterilizaciju,
- b) opremom za tretman infektivnog otpada.

Član 83.
(Oprema poliklinike)

Poliklinika mora raspolagati opremom utvrđenom u članu 91. do 107. Pravilnika a u zavisnosti od vrste specijalističko-konsultativne ambulante.

**DIO ŠESTI - DRUGI UVJETI ZA ORGANIZIRANJE KANTONALNE BOLNICE I
POSTUPAK VERIFIKACIJE KANTONALNE BOLNICE**

Član 84.
(Posebne djelatnosti i aktivnosti)

Kantonalna bolnica mora ispunjavati i uvjete propisane članom 2. Pravilnika o uvjetima prostora, opreme i kadra, kao i primijenjenih tehnologija koje moraju ispunjavati zdravstvene ustanove koje obavljaju najsloženije oblike specijalističko-konsultativne i bolničke zdravstvene djelatnosti na tercijarnom nivou zdravstvene zaštite

Član 85.
(Postupak verifikacije)

Verifikacija kantonalne bolnice se obavlja po postupku i na način propisan članom 211.a. do 211.c. Pravilnika.

Član 86.
(Promjene ispunjenosti uvjeta)

U slučaju nastanka promjena u vezi ispunjavanja uvjeta na osnovu kojih je izdato rješenje o ispunjavanju uvjeta prostora, opreme i kadra za obavljanje djelatnosti kantonalne bolnice, postupat će se shodno članu 211.d. Pravilnika.

DIO SEDMI – NADZOR

Član 87.
(Provođenje nadzora)

Nadzor nad provođenjem ovog zakona obuhvata unutrašnji i zdravstveno-inspekcijski nadzor.

Član 88.
(Unutrašnji nadzor)

Kantonalna bolnica je obavezna provoditi unutrašnji nadzor nad radom svojih organizacionih jedinica i zdravstvenih radnika u skladu sa članom 192. i 193. Zakona o zdravstvenoj zaštiti.

Član 89.
(Zdravstveno-inspekcijski nadzor)

Zdravstveno-inspekcijski nadzor nad primjenom ovog zakona vrši kantonalni zdravstveni inspektor u skladu sa članom 194. do 203. Zakona o zdravstvenoj zaštiti.

DIO OSMI – KAZNE NE ODREDBE

Član 90.
(Novčana kazna)

(1) Novčanom kaznom u iznosu od 1.000,00 do 3.000,00 KM kaznit će se za prekršaj kantonalna bolnica ako obavlja djelatnost a ne ispunjava uvjete propisane članom 4. do 84. ovog zakona.

(2) Za prekršaj iz stava (1) ovog člana kaznit će se novčanom kaznom u iznosu od 200,00 KM do 500,00 KM i odgovorno lice u kantonalnoj bolnici.

DIO DEVETI - PRELAZNE I ZAVRŠNE ODREDBE

Član 91.
(Rok za osiguravanje propisanih uvijeta)

Kantonalna bolnica je dužna osigurati uvjete propisane ovim zakonom u roku od tri mjeseca od dana stupanja na snagu ovog zakona.

Član 92.
(Stupanje na snagu)

Ovaj Zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj _____/17.
Datum _____ 2017.godine.
Z e n i c a

Predsjedavajuća Skupštine

OBRAZLOŽENJE

I – PRAVNI OSNOV

Pravni osnov za donošenje ovog Zakona sadržan je u Poglavlju V član 37. stav (1) tačka f) Ustava Zeničko-dobojskog kantona i članu 100. stav 1. Zakona o zdravstvenoj zaštiti („Službene novine Federacije BiH“, broj: 46/10 i 75/13).

Prema članu 37. stav (1) tačka f) Ustava Zeničko-dobojskog kantona, Skupština Kantona donosi zakone i ostale propise za izvršavanje kantonalnih nadležnosti.

Članom 100. stav 1. Zakona o zdravstvenoj zaštiti propisano je da se za područje jednog ili više kantona može organizirati kantonalna bolnica koja, pored uslova predviđenih za opću i specijalnu bolnicu, ispunjava posteljne, dijagnostičke i druge uslove utvrđene kantonalnim zakonom.

II - RAZLOZI ZA DONOŠENJE

Članom 97. Zakona o zdravstvenoj zaštiti propisano je da je bolnica zdravstvena ustanova koja obavlja djelatnost dijagnostike, liječenja, medicinske rehabilitacije i zdravstvene njege bolesnika, te osigurava boravak i prehranu bolesnika. Stavom 2. istog člana propisano je da se djelatnost iz stava 1. obavlja u općim, specijalnim, kantonalnim i univerzitetsko-kliničkim bolnicama.

Članom 98. istog Zakona, definisan je pojam „opće bolnice“, članom 99. istog Zakona definisan je pojam „specijalne bolnice“, a članom 101. 102. 103. 104. 105. i 106. pojam, uslovi za sticanje statusa i postupak osnivanja „univerzitetske bolnice“.

Kako član 100. Zakona o zdravstvenoj zaštiti propisuje da se za područje jednog ili više kantona može organizirati kantonalna bolnica koja, pored uslova predviđenih za opću i specijalnu bolnicu, ispunjava posteljne, dijagnostičke i druge uslove utvrđene kantonalnim zakonom, a isto je propisano i članom 134. stav 2. navedenog Pravilnika o bližim uvjetima prostora, opreme i kadra za osnivanje i obavljanje zdravstvene djelatnosti u zdravstvenim ustanovama („Službene novine Federacije BiH“, broj: 26/12, 23/13, 90/13, 15/14, 82/14 i 83/15),(u daljem tekstu:Pravilnik), neophodno je donošenje navedenog zakona na kantonalnim nivou, kojim će biti propisani uvjeti za kantonalnu bolnicu na području ovog kantona.

Članom 134. stav 2. Pravilnika propisano je da se uvjeti prostora, kadra i opreme za kantonalnu bolnicu uređuju kantonalnim propisom na osnovu člana 100. Zakona o zdravstvenoj zaštiti.

Pravilnikom je propisana obaveza verifikacije, postupak verifikacije i rok za verifikaciju zdravstvenih ustanova. Krajnji rok za verifikaciju je istekao 31.5.2016. godine. Kako do sada nije donesen navedeni zakon ne može se provesti postupak verifikacije JU Kantonalna bolnica Zenica.

1.

Nepostojanje verifikacije JU Kantonalna bolnica Zenica, onemogućava da pokrene postupak verifikacije iste, kod Federalnog ministarstva zdravstva za obavljanje usluga iz tercijarnog

nivoa, u skladu sa Pravilnikom o uvjetima prostora, opreme i kadra, kao i primijenjenih tehnologija koje moraju ispunjavati zdravstvene ustanove koje obavljaju najsloženije oblike specijalističko-konsultativne i bolničke zdravstvene djelatnosti na tercijarnom nivou zdravstvene zaštite („Sl. novine F BiH“, broj: 93/13).

Zbog navedenog JU Kantonalna bolnica Zenica, ne može uputiti zahtjev Federalnom ministarstvu zdravstva za verifikaciju iste, kao zdravstvene ustanove za eksplantaciju organa (donorska bolnica), jer je za postupak verifikacije predviđen Pravilnikom o uvjetima prostora, opreme i kadra, kao i postupku verifikacije zdravstvenih ustanova i laboratorija koje obavljaju transplantacijsku djelatnost („Sl. novine F BiH“, broj: 21/14) neophodna rješenja kantonalnog i federalnog ministarstva u smislu gore navedenih propisa.

Kako su općepoznati rezultati koje je Kantonalna bolnica Zenica ostvarila na polju eksplantacione hirurgije, nesporan je javni interes za što hitnije donošenje ovog Zakona.

JU Kantonalna bolnica Zenica, onemogućena je u finansiranju zdravstvenih usluga koje obavlja, a koje se finansiraju sredstvima Federalnog fonda solidarnosti, jer Zavod zdravstvenog osiguranja FBiH, odbija da zaključi ugovor sa Bolnicom za pružanje tih usluga, bez priloženih rješenja kantonalnog i federalnog ministarstva zdravstva o verifikaciji.

Nadalje, zbog toga je dalje onemogućen postupak priznavanja Kantonalne bolnice Zenica za univerzitetsku bolnicu, a što je neophodno ukoliko želimo da Kantonalna bolnica Zenica bude nastavna baza za medicinski fakultet, što je svakako interes ovog Kantona.

III - OBRAZLOŽENJE PREDLOŽENIH PRAVNIH RJEŠENJA

Ovaj zakon je koncipiran na ovaj način, jer je Zakonom o zdravstvenoj zaštiti propisan obaveza kantona da donesu zakon kojim će propisati uvjete za organiziranje kantonalne bolnice. Kako je Pravilnikom, već uređena ta oblast, kantonima je ostavljena mogućnost da svojim zakonom propišu samo dodatne uvjete prostora, opreme i kadra za kantonalnu bolnicu.

U Poglavlju DIO PRVI – OPĆE ODREDBE definisano je šta se propisuje ovim Zakonom i na koga se isti primjenjuje.

U Poglavlju DIO DRUGI - ORGANIZACIJA propisana je organizacija kantonalne bolnice, te uvjeti za organizovanje odjela, odsjeka, dnevne bolnice, poliklinike, specijalističko-konsultativnih ambulanti.

U Poglavlju DIO TREĆI – PROSTOR, Poglavlju DIO ČETVRTI – POSEBAN PROSTOR BOLNIČKI ODJELA i Poglavlju DIO PETI - KADAR, OPREMA I POSEBNA OPREMA BOLNIČKI ODJELA, propisano je s kojim prostornim sadržajima bolnica mora raspolagati uopšte, s kojim prostorom moraju raspolagati svi bolnički odjeli, te koji su to specifični prostori za svaki bolnički odjel.

Što se tiče kadra, utvrđeno je da se broj i profil kadra utvrđuju Naredbom o standardima i normativima zdravstvene zaštite iz obaveznog zdravstvenog osiguranja u Federaciji Bosne i Hercegovine i godišnjim ugovorom o međusobnim odnosima u pružanju zdravstvene zaštite sa Zavodom zdravstvenog osiguranja Zeničko-dobojskog kantona.

U pogledu opreme propisani su generalni uvjeti koje mora zadovoljavati sva medicinska oprema, te sa kojom specifičnom opremom mora raspolagati svaki od bolničkih odjela.

U Poglavlju DIO ŠESTI - DRUGI UVJETI ZA ORGANIZIRANJE KANTONALNE BOLNICE I POSTUPAK VERIFIKACIJE KANTONALNE BOLNICE, propisani su dodatni uvjeti koje kantonalna bolnica mora ispunjavati da bi bila organizovana kao kantonalna bolnica i propisan je postupak utvrđivanja ispunjenosti svih uvjeta propisanih ovim Zakonom.

U Poglavlju DIO SEDMI –NADZOR propisan je unutrašnji i zdravstveno-inspekcijski nadzor.

U Poglavlju DIO OSAM-KAZNE NE ODREDBE propisane su kaznene odredbe.

U Poglavlju DEVET- PRELAZNE I ZAVRŠNE ODREDBE propisan je period usklađivanja kantonalne bolnice sa ovim zakonom i dan stupanja na snagu ovog zakona.

U Skladu sa članom 140. Poslovnika o radu Skupštine Zeničko-dobojskog kantona -Novi prečišćeni tekst- ("Službene novine Zeničko-dobojskog kantona", broj: 7/12 i 12/13) **predlažemo donošenje ovog zakona po skraćenom postupku, jer nije u pitanju složen i obiman zakon koji zahtijeva redovnu proceduru**, jer se radi o utvrđivanju uvjeta za organiziranje kantonalne bolnice na području Zeničko-dobojskog kantona, a što proizilazi iz člana 100. stav 1. Zakona o zdravstvenoj zaštiti. Naime, uvjeti za bolnicu su utvrđeni članovima 97.-105. Zakona o zdravstvenoj zaštiti. Bliži uvjeti za organiziranje zdravstvenih ustanova tipa bolnica su regulirani i Pravilnikom o bližim uvjetima prostora, opreme i kadra za osnivanje i obavljanje zdravstvene djelatnosti u zdravstvenim ustanovama, kao i Pravilnikom o uvjetima prostora, opreme i kadra, kao i primijenjenih tehnologija koje moraju ispunjavati zdravstvene ustanove koje obavljaju najsloženije oblike specijalističko-konsultativne i bolničke zdravstvene djelatnosti na tercijarnom nivou zdravstvene zaštite. Za nivo kantonalne bolnice, pored uvjeta utvrđenih gore navedenim zakonom i citiranim pravilnikom, neophodno je propisati i dodatne uvjete utvrđene kantonalnim zakonom.

Imajući u vidu obrazložene razloge za donošenje navedenog Zakona predlažemo donošenje istog po skraćenom postupku.

IV - FINANSIJSKA SREDSTVA

Za provođenje ovog zakona nisu potrebna dodatna finansijska sredstva iz kantonalnog budžeta. Prilog: fiskalna izjava

U prilogu obrazloženja je Mišljenje Sekretarijata za zakonodavstvo broj: 03-02-2316/17 od 21.02.2017. godine, Ministarstva za pravosuđe i upravu broj: 06/02-02-20852-3-/17 od 23.02.2017. godine i Ministarstva finansija broj: 07-02-20852-3-1/16 od 21.02.2017. godine

Imajući u vidu obrazložene razloge za donošenje navedenog Zakona predlažemo donošenje istog po skraćenom postupku.

Ministar:

Dr. Dragoljub Brenjo

